

## TERESUTE

Se gavèmo incontrado / per fatal combinaziòn  
mi imbriàgo, èla disfàda / in piazzal delà staziòn.

Dopo un mese se sposèmo / me ricordo un venerdì,  
su dei frati semo andadi / ela in bala e mi incandì.

Pena fora dela cesa / là de Tritta semo andai  
de la' un poco mi e Teresa / ièrimo càrighi e disfài.

Oh Teresùte, ti te ieri un miràgio / l'ocio de vetro e la gamba de fàgio,  
altri difeti ti no te gavevi / ma te bevevi...ma te bevevi...

Ghe pasàvo un bon mensile / che la fazi de magnar  
ma coi soldi che ghe davo / la me 'ndava a bozetàr  
dopo averme sbagazàdo / per trincàr anche el paiòn,  
con un vecio petessèr / la xe scampàda a Monfalcòn!

Te la incontro una sera / per combinaziòn fatàl  
distiràda rente al molo / proprio soto de un feral!

Ghe go ligàdo una pièra sul còlo / con un piadòn la go svodà zo del molo  
èla ne l'acqua "glu-glu" la fazèva / e la beveva, 'sai la beveva!

Iera tuta la contrada / al grandioso funeràl  
iera el schìnter de Gropada / con la banda comunàl  
e davanti a quel corteo / iera quatro disgraziai  
che i cantava a suarciagola / l'inno dei alcolizài.

Mi contrìto dal dolore / me son fato un biberòn  
con do' litri de Verona / po' me son ficà in paiòn!

Oh Teresùte, ti te son in paradiso / e più non vedo el tuo angelico viso,  
e del dolòr bevo come un imbùto / ma bevo nero... perchè so' in luto!